

Faruk Selmanović
Zastupnik u Skupštini Kantona Sarajevo

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo
n/r predsjedavajući Skupštine Kantona Sarajevo

Uputiti: - Premijeru Vlade Kantona Sarajevo Nihadu Uku i Mladenu

**Pandureviću, ministru komunalne privrede, infrastrukture, prostornog
uređenja, građenja i zaštite okoliša Kantona Sarajevo**

PREDMET: ZASTUPNIČKO PITANJE

Poštovani,

Upućujem zastupničko pitanje premijeru Vlade Kantona Sarajevo Nihadu Uku i Mladenu Pandureviću, ministru komunalne privrede, infrastrukture, prostornog uređenja, građenja i zaštite okoliša Kantona Sarajevo:

1. Koja su to inovativna rješenja koja su do sada implementirana na Općinskom sudu u Sarajevu, a koja su vam Premijeru, prezentirana na sastanku održanom 15.7.2025., sve u pogledu efikasnijeg i bržeg rješavanja izvršnih predmeta naplate potraživanja u komunalnim predmetima, da li su ista u skladu sa Zakonom o izvršnom postupku, imajući u vidu da se izvršni postupak prinudne naplate provodi u skladu sa odredbama navedenog zakona?
2. Ministar Pandurević, izjavio je da će se razrađenim načinima prinudne naplate, prvenstveno na računima građana, a onda i pljenidbom stvari, tako da će izvršioci odmah stvari popisati i iznijeti, odnijeti u aukcion centar i prodavati, pa s tim u vezi postavljam mu pitanje da li su razradili načine prinudne naplate i pravnim licima i koji su to načini prinudne naplate od pravnih lica ili će se samo provoditi naplata potraživanja od građana?
3. Takođe pitam, da li su održani novi radni sastanci sa fokusom na zajednički pronalazak kvalitetnog i održivog modela u pristupu građanima po pitanju prinudne naplate dugovanja na ime komunalnih usluga, kako ste izjavili na navedenom sastanku, te da li je isti pronađen?

O b r a z l o ž e n j e

U izdatim saopštenjima, da je u Kabinetu predsjednika Općinskog suda u Sarajevu 15. jula 2025. godine održan sastanak kojem su, osim predstavnika suda, prisustvovali Nihad Uk, premijer Kantona Sarajevo, te ministrica pravde i uprave i ministar finansija Kantona Sarajevo, navedeno je da je predsjednik suda, predstavio aktivnosti usmjerene na unapređenje naplate potraživanja u komunalnim predmetima, a prezentovani su i rezultati rada Općinskog suda u Sarajevu u pogledu napretka kada je riječ o naplati u izvršnim predmetima, te su pobrojana jedinstvena inovativna rješenja koja su do sada implementirana na sudu, a sve u pogledu efikasnijeg i bržeg rješavanja izvršnih predmeta.

Takođe, Ministar Pandurević, izjavio je da su razrađeni načini prinudne naplate, prvenstveno na računima građana, a onda i pljenidba stvari, tako da će izvršioci odmah stvari popisati i iznijeti, odnijeti u aukconi centar i prodavati.

S tim u vezi postavljam navedena pitanja, obzirom na transparentnost na koju se vaša vlada često poziva, da upoznate javnost, odnosno građane Kantona Sarajevo o kojim se to jedinstvenim inovativnim rješenjima radi, koja su do sada implementirana na sudu, da li su ista u skladu sa Zakonom o izvršnom postupku, te da li će se prinudna naplata potraživanja provoditi samo od grđana ili su razrađeni modeli i koji su to modeli naplate potraživanja u komunalnim predmetima od pravnih lica?

Molim usmeni odgovor.

Sarajevo, 01.10.2025. godine

Zastupnik u Skupštini Kantona Sarajevo

Faruk Selmanović